

Communicaziun da medias

La Fundaziun Pestalozzi surdat il premi da promoziun tempriva per regions da muntogna all' instituziun d'affons CANORTA IGNIV cun lur sedias a Glion, Flem e Laax (GR). La surdada dil premi ha giu liug a Laax cun hosps ord la politica, educaziun, scolaziun e formaziun, medias sco era dalla cultura ed economia.

Turitg/Laax, ils 27 da november 2019. La Fundaziun Pestalozzi vul promover l'aulta qualitat per la formaziun en Svizra ed avanzar l'egualitad dallas schanzas per persunas giuvnas en las regions da muntogna e regions perifericas. Gia per la quarta ga surdat la Fundaziun Pestalozzi en stretga collaboraziun cun l'Uniun tetgala dalla magistraglia svizra (LCH) il premi per la promoziun tempriva en regions da muntogna. La victura Canorta Igniv el cantun Grischun vegn undrada sco instituziun cun il premi da promoziun da 20'000 francs, la quala presta lavur exemplarica en Surselva pil survetsch complementar alla famiglia e ch'ei enconuscenta e francada fermamein enteifer la regiun.

Pil premi da promoziun tempriva dalla Fundaziun Pestalozzi per regions da muntogna eran 22 instituziuns s'annunziadas. Il vast diember da candidats concurrents muossa ch'ei ha diversas iniziativas custeivlas e da qualitat per la promoziun tempriva en Svizra enteifer las regions da muntogna. La lavur da quellas instituziuns vegn prestada surtut cun grond engaschi voluntari. Quei mereta respect e stema. Franziska Peterhans, la secretaria centrala dall'Uniun tetgala dalla magistraglia svizra (LCH) e vicepresidente dalla giuria ei perschuadida: «Investiziuns en la promoziun tempriva per affons sepaga. Sche affons astgan guder gia en ses emprems onns animaziun ed accumpignament, lu mettan ins in fundament pil success en scola che suonda pli tard.»

La giuria ha elegiu ord la tscherna stretga da treis projects la Canorta Igniv sco victura dil premi. L'uniun purtadra Canorta Igniv meina els treis loghens da Laax, Glion e Flem mintgamai ina canorta d'affons.

Dr. Gion Lechmann, president dall'uniun Canorta Igniv: «La distincziun per la Canorta Igniv cun il premi da promoziun tempriva per regions da muntogna en Svizra, surdaus dalla renomada Fundaziun Pestalozzi, legra nus ordvart e dat grond omagi – per tut quei engraziein nus cordialmein alla fundaziun. Quei premi munta per nus sco Canorta Igniv e per la Surselva sco regiun periferica egl intschesch muntagnard in segn da reconuschienscha e stema per la lavur prestada sil sector dalla promoziun tempriva. Leutier dat quella distincziun a nus gronda motivaziun da cuntinuar nossa via e da sviluppar vinavon nossa instituziun.»

Il president dalla giuria Josef Arnold: «La Fundaziun Pestalozzi undrescha projects sil sector dalla promoziun tempriva che han ina zun ferma funcziun d'exempel. L'uniun Canorta Igniv ch'ei voluntaria ed enconuscenta ella regiun ha implementau impurtontas mesiras per la promoziun tempriva en ina regiun muntagnarda ch'ei signada dad in svilup da depopulaziun. La collaboraziun denter l'uniun purtadra, la direcziun professiunala dalla canorta, las vischnauncas cumpigliadas ed il cantun ei adattada e fritgeivla. La Canorta Igniv impressiunescha ultra da quei cun ina aulta professiunalitad pedagogica e cun in concept per la formaziun e perfecziunament che perschuada.»

Sper la victura dil premi, Canorta Igniv, ein las suandontas instituziuns sequalificadas per la tscherna stretga: Nido dell'infanzia Cucciolo a Avegno-Gordevio (TI), egn project da la Fundaziun Zerosedici (TI), e la Canorta Capricorn da Puntraschigna da la Fundaziun KIBE Kinderbetreuung Oberengadin (GR).

Communicaziun da medias dalla Fundaziun Pestalozzi

27 da november 2019

Pagina 2/2

Informaziun

Fundaziun Pestalozzi, Erika Andrea, menadra da fatschenta
Fraumünsterstrasse 17, Postfach, 8024 Zürich
Tel. 044 210 40 80, Emagl: office@pestalozzi-stiftung.ch
www.pestalozzi-stiftung.ch oder www.fruehfoerderungspreis.ch

Intervestas

Sin giavisch organisein nus bugen intervestas cun il president
dalla Fundaziun Pestalozzi, signur Daniel Zeller, cun il
president dalla giuria, signur Josef Arnold, ni cun in ni ina
commember/-ra dalla giuria.

Fundaziun Pestalozzi

L'incumbensa principala dalla
Fundaziun Pestalozzi ei la
surdada da stipendis per
formaziun e scolaziun ed
emprests a giuvenils en regiuns
muntagnardas dalla Svizra. Dapi
sia fundaziun 1961 ha la
Fundaziun Pestalozzi concediu
varga 41 milliuns a 7939
stipendiats e stipendiatas.

La giuria secumpona da persunalitads ord la scienza, scolaziun e formaziun, economia, politica e cultura:

- **Josef Arnold-Bissig**, anteriur Cusseglie governativ dil cantun Uri e commember dil Cussegl dalla Fundaziun Pestalozzi (president dalla giuria)
- **Franziska Peterhans**, secretaria centrala dall' Uniun tetgala dalla magistraglia svizra (LCH) e commembra dil Cussegl dalla Fundaziun Pestalozzi (vicepresidenta dalla giuria)
- **Sina Bellwald**, la cantadura da dialect cun il pli grond success en Svizra ord il cantun Vallais
- **Marcus Caduff**, dipl. ing. agr. ETH, Cusseglie governativ dil cantun Grischun
- **Trix Heberlein**, lic. iur., anteriura Cussegliera dils stans e vicepresidenta dalla Fundaziun Pestalozzi
- **Carolina Müller-Möhl**, dipl. pol. (FU Berlin), interprendidra e cussegliera d'administraziun, commembra dil Cussegl dalla Fundaziun Pestalozzi
- **Milan Prenosil**, presidenta dil cussegl d'administraziun dalla Confisaria Sprüngli
- **Heidi Simoni**, dr. phil., menadra digl Institut pigl affon Marie Meierhofer